

元代史書 五卷

元
代
史料
叢刊
初編

黃山書社

北巡私記

〔元〕劉
佶撰

北巡私記

至正二十八年閏七月二十八日惠宗皇帝御海宴見羣臣諭以巡幸上都皆屏息無一言獨却孫澤院請諭喇章公力言不可大意謂賊已陷通州若連海還出離城立不可保金宣宗南奔之事可為殷鑒諸將生歎移檄至上曰也速已敗擴廓帖木兒遠在太原何畏與才臣律遂退朝佖待罪口口口樞密屬官知院出佖遇於中書省問曰大計如何知院惟痛哭而已中書左丞相慶童國之老成人也歎息曰吾知死所尚何言哉既而知院密語佖曰今夜必有舉動君去就如何佖曰朝廷大計不敢問願從公後可乎知院頷之是夜漏三下車駕出建德門率三宮后妃皇太子皇太子妃幸上都百官扈從者左丞相失列門平章政事臧家奴右丞定住參知政事哈海翰林

學士承旨李百家奴知樞密院事哈刺章知樞密院事王宏遠等百餘人從者此下有估匹馬遇知院公於道中二十九日車駕至居庸關時經紅賊之亂道路蕭條關無一兵車駕至亦無供張帝太息曰朕不出京師安知外事如此是日詔也速率本部兵趨行在三十日雨車駕次雞鳴山遼陽行省左丞相也先不花奏至請入覲詔止之是夜雞鳴山西北峰崩聲如巨雷御營中人馬皆驚上御行殿召見羣臣以為賊兵奄至黎明搶攘始定八月初一日雨道路泥濘是夕駐蹕營口知樞密院事哈喇章請速召擴廓帖木兒入援從之估經日不食謁知院公留宿於氈帳中炙羊肉食之初二日雨不止百官雨行皆霑透天寒甚僊人有凍斃者左阿速衛御營都指揮使此下有上以軍事煩命翰林學士承旨觀音奴兼知樞密院事觀音奴公

三十日出京師至是謝恩於馬前上命左右掖之遼東參政賽因帖木兒率五千騎入覲軍容甚整帝慰勞良久始已初五日也速奏京師失守淮王及丞相慶童死事參知政事張守禮自京師奔行在初七日左丞相失列門卒以遼陽行省左丞相也速不花為中書左丞相以納哈出為遼陽行省左丞相納公為行省平章政事知兵善戰遼東賊皆為所殄皇后欲尋仇於高麗語皇太子曷使納哈出問高麗之罪皇太子不可初九日車駕至中都李仲時為兵部尚書徵兵於高麗十五日車駕至上都上都經紅賊焚掠公私埽地宮殿官署皆焚毀民居閒有存者遼東此存之勢矣佶與達魯花赤禿因不花公舊交也禿因公殷勤周恤無所不至患難中得此良友真可感幸十七日加

納哈出大尉鼎住抵上自至上都晝夜焦勞召見省臣或至夜分估問哈刺知院國事何如哈刺公曰無可為也當時頗有議省行與樞臣齟齬者時事至此猶有朋黨之見存唏矣二十四日上都行樞密副使乃蠻台入覲初二下有說文此以上都焚毀置行樞密院於察罕腦兒乃蠻公以上都留守改行樞密副使率萬衆追紅賊餘黨次第略平至是自軍中入覲上留其軍為宿衛焉二十六日賊將薛顯出古北口古北口守將僉知樞密院事張益奔行在九月初六日哈刺公過予言從臣聞賊出居庸關意頗惶惶有勸上北幸和林者上遲疑不決既而聞賊兵不出事乃已初十日以鼎住為中書平章政事十一日上召見羣臣詢恢復之計十四日諸王朵列納至上都十九日詔高麗王發兵至上都聽候調遣十月二十五日封擴廓帖

木兒為齊王賜金印十一月初一日封也速為梁王加太保二十一日陝西行省平章政事脫因帖木兒入覲上問陝西之事始悟李思齊張宗道有貳志二十四日皇太子出屯紅羅山十二月初八日始聞擴廓帖木兒敗於保安之信初十日遣使徵擴廓帖木兒赴行在時不知擴廓公存沒故遣使者訪其消息十三日監察御史徐敬熙條陳十事一戒酒一勿令官掖干預政事一選將一宰相非人請擇賢者能者一明賞罰一嚴軍律一汰軍中老弱一徵兵西北諸藩一徵餉於高麗一開言路其言殊切直上不之罪也是月大雪深五六尺二十九年正月初一日頒新厯於高麗臺官携新厯赴行在遂用之從官入賀行殿上以疾不出賊兵久不出邊從官漸為室家之計哈刺公嘗太息謂予曰亡國之臣豈可與圖恢復吾當與西北諸藩

共圖此事耳。佶問何不早為此計。哈刺公曰：子獨不見阿魯輝王之事乎？遂唏噓而起。初三日，以魏伯顏為中書參知政事。初六日，平章政事李百家奴上疏陳恢復大計，以兵力太弱，請徵西北諸藩兵入援。疏入，寢不報。哈刺公之言可謂先幾矣。初九日，佶拜監察御史之命。是日有狐數頭入行殿，直至御座下。御史大夫阿剌不沙見上，極言亡國之兆。上曰：天意如此，朕將奈何？二十日上都大風晝晦。是日中都地震。二十一日詔也速丞相屯全甯州，拜擴廓帖木兒中書右丞相，欲以內事委之也。擴廓公遣使至行在，始知西北消息。高麗國遣使貢獻幣如舊例，且訴納哈出構兵之事。上優詔答之。佶奏高麗心懷兩端，不可恃為外援。疏入，不報。二十四日至二十七日，皆風霾，室中白晝然。燭二月初一日大風晝晦。以阿剌罕為樞密副使，撒里

蠻為中書平章政事撒里公嗜酒不欲問時事疏辭不允
初三日賜宿衛軍士衣糧初八日上不豫輟朝十三日上
疾瘳十五日也速丞相率精騎四萬抵通州賊固守不下
詔也速公勿深入恐賊乘虛內犯未幾遣左司郎中黃卓
至軍中賜也速公龍衣御酒將士賞賚有差二十二日佖
謁哈剌公留宴邸中哈剌公言執政競市高麗婢若忘社
稷之為墟者尤以撒里平章為不稱職佖曰公何不與上
言之哈剌不答意其有內援也三月二日獵於近郊初
三日皇太子請率精騎直搏大都上不許十八日遣工部
侍郎得勒海諭高麗賜高麗王龍衣御酒二十日上不豫
二十二日以兀魯不花為中書參知政事王信為上都留
守二十八日始召見羣臣夏四月一日詔是火帖木兒也
速分道討賊恢復京師初五日賊聞賊將常遇春率數將

分道深入上手詔戒嚴侍御史任忠敏疏請速幸和林召
集東西諸藩為恢復之計初六日也速丞相敗績於凜
州按元史初十日忽都帖木兒由太禧院使拜上都
留守十四日遣人以手書至行在省臣議斬之上曰
彼無罪逐之可矣上寬仁如此宰相不能將順致海宇土
崩覆亡之罪固有所歸矣五月初六日平章政事疏
自十四日佞苦痢請假養病至六月初旬始愈十九日
疏六月初五日也速丞相與賊兵戰於全甯賊首為常
遇春驍健有名率步騎十萬入寇也速公戰不利退至大
帽山初七日敗書聞上急召羣臣議幸和林初九日平章
政事李百家奴卒哈剌公加開府儀同三司封徐國公十
二日賊陷大甯州中書右丞相脫火赤追戰敗績為賊所擒
脫公嗜酒醉而踣於陣士卒盡沒十三日車駕幸應昌府

留河南王普化中書平章政事鼎住守上都十五日晁火帖木兒王與賊兵戰於新開嶺大敗王匹馬陷陣死之十七日賊陷上都是日車駕至曲也腦兒尚不知敗信十八日詔擴廓帖木兒入援二十日車駕至應昌二十一日帝不豫二十六日帝疾瘳始議幸和林之計觀音奴公建議令西邊諸將攻大同賊顧後路可以紓難從之八月初三日脫列伯孔興等合兵攻大同初四日我師敗績初十日敗書聞省臣請徵擴廓帖木兒王入援遣御史中丞黑的齋手詔以往應昌未經紅賊城市尚完惟六軍蒞止糧儲先罄哈剌公屢言之上亦無可為計也九月二日復遣侍御史雙雙徵擴廓帖木兒王入援初六日哈剌章公拜太保之命公固辭不許初七日郡王阿憐歹入覲詔郡王統五投下之眾屯於會州二十五日也速丞相退保紅羅山

十月十一日遣人復以書車詔屏之城外以孛羅罕
為此下育十一月十八日陝西行省左丞王公克勤至應
昌王公至擴廓王營中擴廓附奏請車駕速幸和林勿以
應昌為可恃之地十九日帝不豫十二月十二日帝始視
朝十四日卦也速丞相為威定王十八日御史大夫朵朶
卒以三寶奴為御史大夫三十年正月初二日帝不豫詔
皇太子總軍國諸事初九日詔觀音奴公賁手詔賜擴廓
帖木兒王徵其入衛觀音公奏請以監察御史張佶從行
上允之初十日佶從觀音公入見十一日啟行自二十八
年閏七月至三十年正月共十七月之事佶所知者撮其
大要載之以備異日掌故至密勿大政及軍旅之計非小
臣所得知者姑闕之云

咸豐己未冬十月獨山莫友芝手鈔

光緒戊申予承乏黔學屬黃平樂采臣孝廉購獨山莫氏藏書得子偲先生手抄影北宋本周易舉正元劉侏北巡私記二種皆希世之秘笈也予方從事元史得劉氏此書如獲海外奇珍自詫為平生第一幸事順帝北奔以後舊史無徵賴有此書略見當日之梗概惟展轉迄寫不免奪舛惜無別本以資校勘耳膠州柯邵忞識

元行省丞相平章政事年表